



SIPA lišila slobode 16 osoba zbog kriminala u Holiday Resortu Sarajevo

ALEN ČENGIĆ ORGANIZOVAO PROSTITUCIJU?

- Od utaje poreza do teške krađe • Alagić: Ne znam da li će biti podignuta optužnica
- Šta je sa istragom iz ranijeg perioda?

Pripadnici Državne agencije za istrage i zaštitu (SIPA), uz pomoć MUP-a KS-a, a po naredbama Kantonalnog suda i Kantonalnog tužilaštva Sarajevo, jučer su u ranim jutarnjim satima, u sklopu akcija Coral i Tango, slobode lišili 16 osoba. Sumnjiče se da su počinili organizovani kriminal, u vezi sa krivičnim djelima: poreska utaja, ugrožavanje sigurnosti, sprečavanje službene osobe u vršenju službene radnje, oštećenje tuđe stvari, teška krađa i organiziranje otpora, dok se prvoosumnjičeni dovođi u vezu i sa navođenjem na prostituciju. U sklopu akcije Coral, slobode su lišene osobe inicijala A. Č. (1974), A. H. (1977), M. P. (1971), V. A. (1965), J. K. (1977), S. B. (1963), J. Š. (1962), E. S. (1987), D. I. (1985), A. S. (1978) i H. M. (1977), dok su u sklopu akcije Tango uhapšeni S. D. (1969), K. E. (1974), A. K. (1985), E. L. J. (1982) i S. Z. (1988).

Prijetnje i ucjene

Prvoosumnjičeni je Alen Čengić, vlasnik restorana Park prinčeva u Sarajevu i sada već bivši direktor privrednog društva Holiday Resort Sarajevo. On se sumnjiči da je sa ostalim privedenim, činio navedena krivična djela od juna 2014. do jula 2015, kada je Holiday Resort koristio prostorije hotela Holiday Sarajevo u stečaju, a koje su bili primorani napustiti po rješenju Kantonal-

nog suda u Sarajevu u junu ove godine. Čengić se direktno dovodi u vezu sa navođenjem na prostituciju, te za upravljanje većim dijelom imovine hotela u stečaju tako što je, zajedno sa pomoćnicima, vršio kontrolu prihoda i rashoda.

- Koristili su usluge njima odanih osoba, kao što su IT stručnjaci, koji su im protivzakonito instalirali softverske programe posredstvom kojih su prikivali stvarne podatke o prihodu i na taj način izbjegli plaćanje poreza u iznosu većem od više stotina hiljada KM. Terete se da su koristili razne vidove ucjena, prijetnji, zastrašivanja i fizičkih napada usmjerenih na stečajnog upravitelja i uposlenike Holiday Sarajevo u stečaju, kazala je portparolka SIPA Kristina Jozić.

Uhapšeni u akciji Tango sumnjiče se za učešće u vođenju pružanja seksualnih usluga, tako što su radili kao svodnici - odvozili djevojke na dogovorena mjesta, a za usluge naplaćivali 25 posto dogovorenog iznosa.

Advokat Damir Alagić, koji zastupa Čengića, kazao je da se krivično djelo prostitucija ne odnosi na njegovog klijenta. Čeka materijalne dokaze Tužilaštva. Kazao nam je da mu nije poznato da li će biti podignuta optužnica. Prema posljednjim informacijama koje smo dobili iz Tužilaštva KS-a, privedeni se nalaze na ispitivanju u pros-

torijama SIPA. Nije bilo poznato kada će tačno biti predati Tužilaštvu na dalje postupanje.

- S obzirom na krivična djela koja im se stavljaju na teret, mislim da će biti predložen pritvor od trideset dana i Čengiću i ostalim privedenim, rekao je Alagić.

Na pitanje u kojoj je fazi istraga o kriminalu u hotelu Holiday Sarajevo iz ranijeg perioda (od 2004. naovamo), u Tužilaštvu nam nisu mogli kazati. Alagić smatra da je raniji period poslovanja hotela namjerno gurnut u drugi plan.

Istrage

- Nećete ni dobiti informaciju. Istraga o kriminalu u jednom od najpoznatijih hotela u BiH je sveobuhvatna. Mislim da je čak uključeno i Tužilaštvo BiH. Bojim se da



Jozić: Naplaćivali 25 posto od dogovorenog iznosa

Page: 10

Reach: 0

Country: BOSNIA AND HERZEGOVINA

Size: 469 cm2

2 / 2

je ovo što se sada dešava kolateralna šteta istrage, jer je policija došla do određenih saznanja o drugim krivičnim djelima, koja je Tužilaštvo na ovaj način željelo zataškati, rekao je Alagić.

Hotel Holiday Sarajevo ili Holiday Resort, odnosno nekadašnji Holiday Inn koji je izgubio licencu zbog lošeg poslovanja, trenutno je u stečaju, a radnici na birou. Za ovaj hotel vežu se brojne kriminalne radnje. Bivši radnici su svojevremeno dizali tužbu i istražnim organima prijavljivali bivšeg direktora Senadina Fetahagića, ali i vlasnika iz Austrije Jakobu Kussea.

E. GODINJAK

Bivši radnici

Kako saznajemo, među uhapšenima su Vahid Alić i Adis Skorupan, bivši uposlenici hotela, a protiv kojih je još ranije Tužilaštvo KS-a otvorilo istragu, zbog sumnje da su počinili krivično djelo organiziranje otpora. Među 16 uhapšenih su i Adnan Hadžibajrić i Muhamed Puškić, osobe koje su blisko surađivale sa prvoosumnjicem Čengićem, te Jasmin Kulenović i Sabina Bajraktarević.



direktor Holiday Resorta

**Cengić:** Vlasnik Parka prinčeva i bivši